

CRITERIOS DE CORRECCIÓN E CUALIFICACIÓN

PREGUNTAS	CRITERIOS DE CORRECCIÓN	CUALIFICACIÓN MÁXIMA
<p>PREGUNTA 1 (2 puntos)</p>	<p>Identificar e xustificar o tema central do texto: <i>Necesidade de personalizar os medicamentos.</i></p> <p>Valorarase positivamente o emprego de citas textuais que sirvan para argumentar a identificación do tema central.</p>	<p>0,75</p>
	<p>Sinalar as ideas principais do texto: <i>O ser humano procurou remedios terapéuticos desde sempre e son moi empregados; Pode considerárenos un Homo pharmacus; A elevada demanda de medicamentos precisa fabricacións masivas, en serie e sen personalizar; Para ser eficientes, os medicamentos deberían deseñarse personalizadamente, tendo en conta as condicións xenéticas de cada individuo, as orixes diversas das enfermidades e as súas diferentes manifestacións en cada paciente.</i></p> <p>Valorarase positivamente o emprego de citas textuais que sirvan para argumentar a identificación das ideas principais.</p>	<p>0,75</p>
	<p>Propoñer un posible título para o texto. O título proposto non pode coincidir co do propio artigo. Valorarase positivamente a concisión e precisión do título proposto, que debe condensar o tema central do texto.</p>	<p>0,5</p>
<p>PREGUNTA 2 (1 puntos)</p>	<p>Explicar o significado das seguintes palabras:</p> <p><i>Paliar</i>: Tornar menos duro, intenso, doloroso ou desagradable algo. Sinónimos: calmar, aliviar, atenuar.</p> <p><i>Rudimentario</i>. Que non alcanzou un alto grao de desenvolvemento, que está pouco elaborado. Sinónimos: básico, elemental, primitivo.</p> <p><i>Desatinado</i>. Falto de tino, razón ou prudencia. Sinónimos: errado, desacertado, equivocado.</p> <p><i>Inxectables</i>. Medicamentos preparados para ser administrados mediante inxección. Sinónimos: administrados vía picada.</p> <p><i>Plasmar</i>. Reproducir nos seus puntos ou ideas principais, condensar na súa esencia. Sinónimos: sintetizar, concretar, resumir.</p>	<p>1</p>

	<p>Abondará con que se perciba que se entende a palabra e que se é capaz de aproximarse ao seu significado no texto, sen que se esixa unha definición exacta. Pódense atribuír puntuacións parciais segundo a precisión da resposta. Non se considerará suficiente a indicación de sinónimos, aínda que se poden atribuír puntuacións parciais de 0,1 puntos se se mencionan. Cada palabra ou expresión correctamente definida valorarase con 0,2 puntos.</p>	
<p>PREGUNTA 3 (1 puntos)</p>	<p>Sinalar o plural das seguintes palabras:</p> <p><i>Papel:</i> papeis.</p> <p><i>Divulgador:</i> divulgadores.</p> <p><i>Ideal:</i> ideais.</p> <p><i>Poboación:</i> poboacións.</p> <p>Cada palabra da que se forme correctamente o plural valorarase con 0,25 puntos.</p>	<p>1</p>
<p>PREGUNTA 4 (2 puntos)</p>	<p>Flexionar no presente de indicativo dous verbos da terceira conxugación con alternancia vocálica na raíz entre /u/ (na primeira persoa do singular e na primeira e segunda persoas do plural) e mais /ɔ/ (na segunda e terceira persoas do singular e mais na terceira do plural).</p> <p>Cada verbo correctamente conxugado en todas as persoas valorarase con 1 punto. Pódense atribuír puntuacións parciais se algunhas formas das conxugacións de cada verbo fosen correctas e outras non.</p>	<p>2</p>
<p>PREGUNTA 5 (4 puntos)</p>	<p>Redactar un comentario crítico sobre o tema do texto (<i>Necesidade de personalizar os medicamentos</i>) no que se empreguen argumentos propios a favor ou en contra da opinión nel expresada. No comentario deben evitarse as paráfrases, resumos ou a repetición do contido do artigo. Valorarase positivamente que as opinións propias sexan pertinentes e dialoguen co artigo de partida para o contraste, ampliación ou implementación dos argumentos neste sustentados.</p> <p>Na avaliación deste comentario valorarase a correcta construción do texto (organización da información), a adecuación e a corrección lingüística (redacción, adecuación do nivel de lingua, gramática, léxico, ortografía, puntuación) e o cumprimento da extensión indicada (arredor de 200 palabras).</p>	<p>4</p>